

# Ямде лий



1933 ий 1 февраль годсек лектеш.

0+

## Шке возалт да весым кумылан де

Йоча-влак парт коклашке уэш шинчыч. Келге шинчымашым налшаш верч кыртмен пижыч. Газет пашаен-шамычынат тургым пагытышт лишеме: газет ден журнал-влаклан 2023 ийын икымше пелйжылан подписке кампаний тунгале. А 2023 ий – тиде «Ямде лий» газетын лумгече идалыкше: 90 ий темеш. Сандене йоча газетлан возалтманак! Снимкыште улшо ўдыр-влак Юлия Ягодарова (Советский, Кельмаксола) ден Галина Трофимова (Морко посёлко) «Ямде лийын» тунемаште полишым пуымыжо да сенгымашым лишемдымыж нерген раш умылат. Кажне гана подпискым ыштат. Тыят, лудшо йолташ, газетлан возалт да родетым, пошкудетым, ялысе моло мари́й ешым кумылан де! Йоча газетын пайдаж нерген раш да чын умылтаре!



ПОДПИСКЕ

«Ямде лий» газетлан, түрлө йоным кучылтын, подпискым ышташ лишеш.

➔ Почто гоч – верысе почто отделениеште але почтальон деч подпискым ышташ йодса.

Индекс – П4696.

Ак –  
403 тенгеат 32 ыр.

➔ Мөнгө гыч лекде, онлайн возалташ лишеш. Тидлан [podpiska.pochta.ru](http://podpiska.pochta.ru) сайтыш пурыза але «Почта России» мобильный приложений гоч возалтса. Индекс ден ак тыгаяк.

➔ Редакцияш толын возалтын кертыда. Ак – 150 тенге.

➔ Электрон газетым луднеда гын, 89027382237 телефон номер дене Сбербанкыш 150 тенгем колтыза але тиде номерышке пыштыза да [yamde\\_lii@mail.ru](mailto:yamde_lii@mail.ru) адресыш лумнердам возен колтыза.

Рекламе.

Фото-влакым еш архивла гыч налме.



Фотом интернет гыч налме.



## Кок тагасыште - икымше

Йошкар-Оласе 3-шо номеран школышто 5-7-ше класслаште тунемше ўдыр-рвезе-влак (**снимкыште**) «Зарница РДШ» всероссийский военный да спорт модышын финалыштыже Марий Элын чапшым араленыт. Тагасымаш Моско ола воктенысе «Патриот» тазалыкым пенгыдемдыме да тунемме рўдерыште эртаралтын. Йоча-влак тўрлў тагасыште вий-куатыштым, мастарлыкыштым тергеныт. Марий Элын командыже «Одиночная строевая выучка», «Конкурс знамённых групп» тагаслаште икымше верым сегоен налын.

**Л.НИКОЛАЕВА** ямдылен.

### Историйым шергалына

*1790 ий 11 сентябрьыште Федор Ушаковын вуйлатыме руш эскадр Шем тенъызыште Тендра мыс кырене турко флотым кырен шалатен. Тылеч вара Шем тенъызыште руш флот озаланен.*

*11 сентябрь Россияште Воин чап кече семын палемдалтеш.*

Поэт да журналист, кусарыше, Марий Эл Республикысе тўвыран сулло пашаенже **Зоя Михайловна Глушковам (Дудинам) «Марий**



**Элын калык писательже»** лўмым пуйымо дене шокшын саламлена!



## Шинчымаш кечын



Фотом школ архив гыч налме.

1 сентябрьыште Шўргыял школшке омсажым 119-ше гана почын. Пайремышке шуко ача-ава погынен. Шинчымаш кечын тўн озалан 1-ше классышке тунемаш толшо

**Е.В.ГРИГОРЬЕВА.**

Марко район.

## Российысе увер

Российысе просвещенный министр С.С.Кравцовын ойжо почеш, у тунемме ий гыч урокышто **мобильный телефоным кучылташ ок лий**. Йодыш лектеш гын, перемем годым ача-ава деке йынгырташ йўн пуалтеш.

Войзаш йўратеда? Ту-геже фотода-влакым **«Юный взгляд»** всероссийский конкурсышко колтыза. «Народы России», «Край родной», «Человек в объективе» тагас-влак улыт. Паша ден йодмашым [fotoschoolrusia@yandex.ru](mailto:fotoschoolrusia@yandex.ru) адрес дене электрон почтыш **20 сентябрь марте** колтыман.

14 ияш деч кугурак енг-влакым **«Видеостихия»** тўнямбал конкурсышко ушнаш ўжыт. Йодмашым [videostihija@yandex.ru](mailto:videostihija@yandex.ru) адрес дене электрон почтыш **20 сентябрь марте** колтыман. Тўрыс увер – [ogbmag-nitka.ru](http://ogbmag-nitka.ru) сайтыште.

## Марий Элысе увер

**Марий Эл Республикысе МВД** шижтара: **1 сентябрь гыч** ийготыш шудымо икшыве-влак ача-ава деч псона уремлаште, парклаште, кевытлаште да моло вере **22 шагат деч вара** коштын огыт керт. Законым пудырытышо йоча-влакын ача-авашт мутым кучаш тўналыт.

Йошкар-Олан историйже тоштерыште **«Куклы, хранящие время»** ончерым почмо. Тудо **Республикысе курчак театрын 80 ияш лўмгечыжлан** пўлеклалтын. Тушто артист, сўретче, режиссёр-влакын фотоштым, афишым, курчак-шамычым ужаш лиеш. Ончер **28 сентябрь марте** пашам ышта.

Кумдан палыме композитор, СССР-ын калык артистше **А.Я.Эшпайлан бюстым Йошкар-Олаште** почыныт. Тудым И.С.Палантай лўмеш тўвыра да сымыктыш колледж воктене (Пушкин урем, 26-шо номеран пўрт) веранденыт.





## У йөн - у корно


**Ш**кольник-влакын рос-сийысе толкынышт кажне кечын гаяк мероприятийым, акцияым да конкурс-сым эртарат. Ёдыр-рвезе-шамычлан виягашышт у корным почеш. Йоным моштен кучылтман да ончыко каяш лудман огыл. Тыгай шонымашан Марий Турек школын

11-ше классыштыже тунемше Елизавета Гвоздева (снимкыште). Ёдыр кенезымат жапым пайдалын эртарен. «Детская Волга» форумышко миен коштын.

– Мыланем форумын сайтшыкыже йодмашым колташ темленыт. Мый тушко грамот ден диплом-влакым вераюденам. Тыгай кугу мероприятийышке логалам манын шоненат омыл. Туге гынат пиал шыргыжалын. Тушто кажне кечын илыш «шолын». Ме калык ончылно шкем кучаш тунемынна. Ик площадкыште чын малыме нерген кутыренна. Вес кечын мультфильмым ямдыленна. Кумдан палыме ятыр ел

дене вашлийын мутланенна. Тиде форум поро шарнымашым коден. Мый тушеч вестюрлө шинчаончалтышан толынам, – тудо татышке уэш пörтыльö Лиза.

Чолга ёдыр «Leadership Biler» форумышто шинчымашыжым келгемден. Школысо поро кумылым ончыктышо отряд-влакын «Компас добровольчества» слётшыт лийын. «Семейный марафон добрых дел» акцияшкыште ушнен. Школышто эртаралтше кажне гаяк



Фотом еш архив гыч налме.

Изи ошкыл – кугу сенымаш



мероприятийыш-

те да конкурсышто чолгалыкшымы ончыкта.

– Школьник-влакын рос-сийысе толкынышт виягаш, ваиталташ, у ел-влак дене палыме лияш, шинчымашым келгемдаш йоным пуа. У кумда корным почеш. Тышке ушнымемлан моткоч йывыртенам, – ойла Лиза.

**Х.АЛЕКСАНДРОВА.**

## Пайдале арня

23-29 августышто Марий Эл Республикысе «Авангард» военно-патриотический рудерыште йоча толкынлан да поро кумылым ончыктышо-влакын кенезымсе школыштан пöлеклалтше смене эртаралтын (снимкыште). Тушко мыят миенам. Кажне кече ойыртегалтше да пайдале лийын. Мутлан, «Кенезымсе университетыште» пионер илыш нерген да

тюрлö тöнежын шочмыж нерген каласкаленыт. Ме ушан, кумдан палыме, онай могай гына ел-влак дене вашлийын огынал?! Кажныж деч молангынат тунемынна. «Авангардыште» мыланем пеш чот келшен. Тушко логалмемлан вожатый Ирина Михайловна Богдановалан кугу таум ойлем.

**Настя ЗАЙЦЕВА.**

**Марий Турек, Косолап.**



Фотом еш архив гыч налме.

14-18 ияш **Увер** ёдыр-рвезе-влак «1418» всероссийский историй модышышто уш-акылыштым терген кертыт. Тагасымашке шкетын але 3-10 еган команде дене ушнаш лиеш. Тидлан **игра-1418.рф** сайтыште регистрацийым эртыман. **30 сентябрьыште** тиде сайтшытак модыш эртаралтеш. Йодыш-влак Кугу Ачамланде сар дене кылдалтше лийыт. \*\*\*

Санкт-Петербург олаште «Я познаю Россию. Прогулки по стране» всероссийский конкурсын финалже эртаралтын. Тушко **Волжск оласе экологий рудерын командыже** миен. Финалыш логалаш манын, ёдыр-рвезе-влак «**Школ музей**» конкурсышко ушненыт. Иктешлымаш семын рудерысе Пүртүс тоштерым уэмдыме нерген статьямы возеныт.





## Тўткышым да чытышым вьянда

Ожно марий-влак тале сонарзе лийыныт. Икшывым ныл ияш улмыж годымак лўйкалаш туныктеныт. Калыкыште тыгай ой коштеш: «Рвезе туран лўен кертын огыл гын, пукшен огытыл». Сонарзын паша лектышыж дене марий калыкын илышыже кылдалтын.

Кызыт изи сонарзе-влак уке улыт гынат, школлаште лўйкалымашлан тўткыш ойыралтеш. Звенигово район Шолэнгер школышто «Юный стрелок» секций пашам ышта (снимкыште). Тудым историйым, общественнанийым да ОБЖ-ым туныктышо В.В.Виногоров вуйлата.

– Секцийыш 7-8-ше класслаште тунемше коло ўдыр-рвезе коштеш. Йоча-влак яра жапыштым пайдалын эрта-рышт манын, тыгай пашам тўналалш кумылакынам. Лўйкалымаш – тиде спортын ик видше. Тўткышым, чытышым вьянда. Олимпиадыштат спортын тиде видше дене такасымаш уло. Мыйын шонымаште, «Юный стрелок» самырык тукымын чонышкыжо патриот шўлышым шындараш полша, – ойла Владислав Владимирович.

Кидыш пневматический винтовкым, пистолетым кучымо деч ончыч ўдыр-рвезе-влак



Фотом школ архив гыч налме.

лўйкалымашын вьян толмо корныжо, саргуралын тўрлў улмыж дене палыме лийыт. Интернетыште тидын дене кылдалтше тўрлў видеом ончат.

– Ончыкыжым, кыртмен ямдылалтын, «Зарница Поволжья» военный да спорт модышышко ушнаш шонена, – ойла секций вуйлатыше.

**Х.АЛЕКСАНДРОВА.**

## Шернуррышко регби «толеш»

Марий Эл Республикысе регби федерацийын енге-влак Шернур район Чылдемыр ялысе ўдыр-рвезе-влак дене вашлийыныт. Орехово ялын эргыже, тале спортсмен Антон Соколов самырык тукымым регби дене палдарен (снимкыште). «Самырык ен-шамыч коклаште

таза илыш-йўлам шарыме, регби дене модмашым район илышыш шындарыме шонымаш дене погыненна. Регби тўрлў лиеш: регбилиг, тэгр-регби, пляжысе регби. Спортын тиде видше дене 2006 ий гыч кылым кучем. Мыйын шонымаште, регби – чын пўрзежын модышыжо. Ме

таза, вьян, лўддымў лийшаш улына», – ойлен тале спортсмен. А.Соколов дене моткоч кутешнена.

**Дмитрий ВЕДЕНЬКИН.**  
1-ше №-ан Шернур школ.

## Сап дене ийна

Илыш ик верыште ок шого. Ожно пу пуш дене ийыныт гын, кызыт каноэ, байдарке, катамаран да молат улыт. Ме авам дене сапбордышко шогалын ончышна. Ме, самырык-влак, тудым кўчыкын «сап» манына. Тўналтыште лўдыкшын чучо, вара тунем шуна. Кече шыргыже, Элнет вўд чоннам вўчыкыш. Колжо мыняр шуко! Лудым, вўте-лым эскерышна. Чон канен ийна, йўштылашат пуррышна. Каныш кечым пайдалын эртарышна.

**Александра СТЕПАНОВА.**  
Волжский, Упшер.

Шкет деч вьянрак дене такасаш ит лўд. Сенаш лийдыме айдеме уке.

Икер **КАСИЛЬЯС.**



Авторын фотожо.



# Марий лўм – марий койыш

**М**арий ешлаште икшыве-влаклан марий лўмым пытаргыш жапыште чўчкыдын пуат. Мутлан, радиовўдышō Владимир Апулаевын кум икшывыжат марий лўман – Яндияр, Онар, Эрвелина. Поэтессе Татьяна Токтарова йочаж-влаклан Элика ден Элави лўм-влакым пуэн. Республикысе марий тўвыра рўдерым вуйлатыше Наталья Пушкинан ўдыржō Эрвина лўман. Марий лўман ўдырлан эсогыл мурат уло. Шомакшым Мардан Рая возен. «Илавий» мурым уныкажлан пōлеклен: «Илавий, Илавий, Илавий, тый улат мыланем ылыш сий...» Куандара, ялаштан самырык ача-ава икшывыштлан марий лўмым пуат.

## Чолга ача-ава

Теве Параньга район Кугу Пумарий ял гыч Юлия Золотарёва ден Роман Шабдаровын йочашт Эрвина, Эрай, Талви лўман улыт (**снимкыште**). Молан лач марий лўмым ойыреныт? Амаже раш: ача-ава коктынат марий шўлышан, уста улыт. Роман Валерьевич верысе школышто социальный педагоглан пашам ышта, тыгак географийым да физкультурным тунукта. Юлия Юрьевна кызыт мōнгыштō шинча. Яра жапыште мушкышым пидеш, атлас тасма гыч пеледышым, ўпым кылдаш резинкым ышта. Коктынат Марий самырык тукым слётын чолга участникышт улыт. Ешыште марла гына кутырат. Икшывыштын чонышкышт марий шўлышым изинек шындалат.

## «Эрдене шочшо», «патырле вий»

– Икшывылан марий лўмым кызыт пеш шагал пуат. Шоналташ гын, тудо кузе моторын да вялн йонга! Эрвина, Эрай, Талви лўм-влакым «Марий лўм» тўшкаште верештынна. Талвилан лўмым ятыр жап шоненна. Вара йолташнан лўмжым трукышто шарналтенна, – ойлат самырык ача-ава.

Эрвина – 6 ияш. Тудо «эрдене шочшо» манын кусаралтеш. Изи ўдыр аважлан сурт сомылкам ышташ

полша: кочкаш шолташ, когылым тўрлаш, пōрткōргыштō арулыкым эскераш. Йочасадыште кушташ тунемеш, марий мурым колышташ кумылан. «Ямде лий» газетым шергалаш йōрата. Сайын лудын огеш мошто гынат, сўретым онча, кандашымше лаштыкыште тўрлō уштодышлан вашмутым кычалеш.



Фотом еш архив гыч налме.

Ныл ияш Эрай – ачажын полышкалышыже. Лўмжō тыгак «эрдене шочшо» манме лиеш. Чōгытым кидышкыже налешат, пудам перкала. Ачажын шуруповёрт дене пашам ыштымым ончаш йōрата. Йочасадыште эртаралтше кажне гаяк мероприятий ден конкурсшто мастарлыкшым терга. Акаж семынак марий мурылан шўман.

Талви вашке кок ийым тема. Лўмжō «патырле вий» манын кусаралтеш. Изаж ден акажым ончен кушкеш.



Нунын гаяк марий шўлышан лиеш, очыни.

## Ончыкылык верч тыршат

– Ме марий пайрем-влакым пайремлена, марий йўлам шукташ тыршена. Тидлан мемнам ача-авана, коча-кована-шамыч тунуктеныт. Марий шўлышым ынде икшывына-влакын чонышкышт шындалышаш улына. Нуно тўвырам па-

лышт, йўлам жаплышт манын тыршена. Еш – тиде чыла, йоча – куан да ончыкылык, – ойлат Юлия Юрьевна ден Роман Валерьевич.

Чумбылат курыкыш еш дене ий еда коштыт. Теныз воктекат миеныт. Тений кенезым Татарстан Республикысе Камское Устье посёлкышто каненыт. Шочмо кундемысе вершōрышкō чўчкыдын лектыт. Икшыве-влак пўртўсын моторлыкшым изинек ужын кушкышт манын тыршат.

**Х.АЛЕКСАНДРОВА.**



# Пайремын озаже – Маска



Марий калык идалык мучко могай гына пай-  
Мремым огеш пайремле: Шорыкйолым,  
Ўярням, Кугечым, Семыкым, Угиндым да молымат. Йоча-  
влак, Маска пайрем нерген колында! Тудым Башкортостан  
Республикысе Мишкан селаште ий еда эртарат. Тидын нер-  
ген шуқырак пален налаш манын, верысе краевед, онаен  
В.А.Камилянов дене мутланышна.

– Маскам марий калык чодыра озалан шотла. Тудо идалыкысе вапталтыш-влаклан вуй. Маскан шошым помыжалтмыж годым пўртїс ылыжеш, шыжым, малаш вочмекыже, пўртїс «омым» ужаш ямдылалтеш. Тудо кечын озаже. Мутлан, эн кужу йїд деч вара, кече кужемаш тїңалмеке, маска вес могогырыш савырнен возеш. Февраль тїңалтыште копажым нула, шошым, кече ден йїд иктїр лийме жапыште, кынелеш. Маска тыгак марийын кугезыжлан шотлалтын. Тидын нерген «Маска эрге Макар нерген» йомакыште лудаш лиеш, – ойла Вячеслав Анатольевич.

Ожно, мланде пашам мучашлымеке, Маска пайремым рўжге палемденыт. Тудо пўртїс вийым жаплыме, лектышан, сай идалык-лан тауштымо шонымаш дене эртаралтеш. Пайремым кунам палемдыме нерген раш возен кодымо огыл. Лач южо вере тыге серыме: «XIX курым марте пайремыме». Вячеслав Анатольевичын шонымыж почеш, тиде пайремым ожно, лум вочмеке, ноябрь тўналтыште палемденыт. Тудым кызыт 27 сентябрьште эртарат манын возымым ужаш лиеш. Тыгодым палемдаш амал уло: калык календарь почеш маска лач тиде кечыште шканже



вынемым ямдылаш тўналеш.

Маска пайрем годым хант, манси да Сибирьысе моло калык семынак марий-влак маска шылым кочкыныт. Вуйжым ойырыде, маска коваштым коштеныт да серлагыш семын араленыт. Калыкын ойжо почеш, марий калык ожно Москошто илен. Олам Маска ава маныныт. Москон капкаштыже маска коваште кечен. Пурылыклан (жертвоприношение) чодыраште кучымо маскам огыл, лўмын ашныме маскам пуэныт. Тыгай янлыкым изиж годымак кучен конденыт улмаш.

– Кызыт маскам, мутат уке, огыт коч. Ик ет маскан вургемжым чия. Тудым унала ўжын конден пукшат-ўјктат (снимкыште). Тудлан тыгай мурым мурат:

*Маска, маска кугыза,  
Чодыра оза, шнуй оза.  
Тол мемнан дек унала,*

*Каналта ик жап кожла.*

*Маска, маска кугыза,  
Чодыра оза, шнуй оза.  
Тол мемнан дек, вучена,  
Пукшен-ўјктен колтена.*

*Маска, маска кугыза,  
Чодыра оза, шнуй оза.  
Тыйым сийлаш, кочана,  
Печке мїйым кїзенна.*

*Маска, маска кугыза,  
Чодыра оза, шнуй оза.  
Тыйым сийлаш, кочана,  
Печке пурам шолтенна.*

*Сылне марий сем почеш кушат, модыт. Маскалан мїйым, мелнам, илыше агытаным да моло тїрлї сийым кучыктен, чодыраш ужатен колтат. Теле гоч илен лекташ ситыше вийым пуаш, шошым вапкерак кондаш йодыт, – ойла Вячеслав Анатольевич.*

**Х.АЛЕКСАНДРОВА.**  
Фотом еш архив гыч налме.

# Шўлыкан шонымаш

Йўр йўреш чарныде  
кечывалым,  
Кечыжат ок ончал окнашкем,  
Кайыкшат ок мурал куаналын.  
Лавыран Нурсола ял корнем.

Кава помышым шем пыл  
вузалын,  
Пич пычкемыш тўням  
авалтен.  
Йўштө йўр леваш тўр гыч  
йогалын,  
Кумылемым чылт  
мушкын волтен.

Мый окна ден шинчем  
ойгыралын,  
Лач азап, ну, молан  
чоныштем?!

Шўлыкан шонымаш  
вўдылалтын,  
Ах, ойгемым кө дене пайлем?

**Аня ПРОХОРОВА.**

**1-ше номеран Шернур школ.**

# Олаште келшен

Кенеж каникул годым Ульяновск олашке миенна (снимкыште). Тудо «Авиастар» заводшо дене чаплана. Тушто самолётым погат. Граждан авиацийын историйже тоштерышке унала пуренна. Музейыште тўрлө самолёт ден вертолётим ужынна, икымше авиакомпаний нерген пален налынна. Лўмжат пеш сорап – «Добролёт». Олаште мыланна пеш келшен.

**Аня ден Миша ВИНОГОРОВМЫТ. Звенигово, Кожласола.**



Фотом еш архив гыч налме.

# Игече вашталтеш


Шыже – поян, мотор пагыт. Шокшо кенеж деч вара игече койын вашталтеш. Сылне пушенге-влак эркин-эркин чевер тўсым налыт. Мланде шөртнө тўсан лышташ-шамыч дене леведалтеш. Жап эртымеке, ужал олыкат суранеш. Юалге мардеж капкылым кылмыкта. Кече кўчыкемеш, йўдым пич пычкемыш лиеш.

**Алёна ЧАПИШЕВА.**

**Волжский, Сотнур.**

## Мастар кид

Лышташ вашке нарынчеш, йошкарга. Ваштар лышташ гыч тыгай мотор аршашым ышташ лиеш.



## Тушто

*Кижнө ужарге да шөртнялге,  
йлнө шуналге да шеме.*

*Агун вара вуйышто татарла шовыч кеча.  
Ясу покшеч йошкар агытан куржеш. Кок вол, кок пу сорым, ик унш.*

Марийск национальный театр драмы им. М. Шкетана  
Театральная студия  
**«ИЗИ-STAR»**  
объявляет набор детей от 4 до 16 лет  
ЗАНЯТИЯ ПО ДИСЦИПЛИНАМ:

- Актерское мастерство
- Сценическая речь
- Театральный вокал
- Пластика и сценическое движение

+7 987 723 77 91  
Реклама.  
Июшкар-Ола, пл. Ленина, 2  
МНТД им. М. Шкетана  
<https://vk.com/izistar>

<p>«Ямде лий» газет Тўн редактор <b>Л.Н.ГРИГОРЬЕВА.</b> Индекс: П4696. Тираж 1550 экз. Заказ Формат – А-4-8.</p> <p><a href="https://vk.com/yamde_lii">https://vk.com/yamde_lii</a> <a href="https://t.me/yamdelii">https://t.me/yamdelii</a> E-mail: <a href="mailto:yamde_lii@mari-el.ru">yamde_lii@mari-el.ru</a> (документ кагазлан), <a href="mailto:yamde_lii@mail.ru">yamde_lii@mail.ru</a> (автор-влаклан) Сайтын адресше: <a href="http://yamdelii.rf">yamdelii.rf</a></p>	<p><b>УЧРЕДИТЕЛЬ-ВЛАК:</b> Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.</p> <p>Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.</p>	<p>Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме. Номер – ПИ № ТУ52-01335, 2021 ий 29 сентябрьыште пуымо.</p>	<p><b>0+</b></p> <p>Печатьыш пуымо жап – 14-00, фактически – 13-00</p> <p>Авторын да редакцийын шонымашышт тўрлө лийын кертыт. Серыш-влак мөнгеш огыт колталт. Ак – кутырен келшыме почеш.</p> <p>Редакцийын да издательнын адресше: 424006, Йошкар-Ола, СССР Вооруженный Вийын 70-ше идалькше урем, 20-шо порт. Тел. 8(8362) 45-22-82(факс)</p>
---	--	---	--



**Йўлам арале –  
тўвырам  
пойдаре**





**Конкурс**

Карина ГОРДЕЕВА ден  
Арина МАКСИМОВА.


Параньга, Матародо.

Кажне кармивонгын  
упшыштыжо мынар тамга!  
Шотлыза да чын ушыза.



Ик шырпым верже дене вазгалтен,  
чын вашмутым ыштыза.

Радамым умбакыже шуйыза.



**. 1 .. 2 ... 3**

Л.Н.Толстойын  
«Война и мир» роман-  
же гыч персонаж-влакым палыза:

- ➔ товаР + с + о = ?
- ➔ арын + уи + г + К = ?
- ➔ совен + Д + и = ?
- ➔ уТаре + цк + я + б = ?
- ➔ ер + Шер = ?
- ➔ сАкле + ар + Д + н = ?

«Русская словесность» кружокын  
енже-влак.

Волжский, Сотнур.

**Анаграмме**



Кайык-влакын  
лўмыштым  
палыза. Нуным  
йўратыме  
кочкышышт  
дене ушыза.

Интернетесе сўрет-влакым кучылтмо.

**Калык пале-влакын ужашыштым  
чын ушыза.**

Мландым кўнчет да  
вынемжым тиде рок  
дене урет, рокшо  
нўлталтын шога –

нўрепым  
кўнчаш  
келша.


Кастене ведра дене  
вўдым шындат, да тудо эр  
марте ок пучо –

тушак шын-  
даш лиш: вольык тўла.

Вўта чоҥышаш верыште  
эр-кас юж –

пўрт шын-  
даш келшы-  
ше вер.

**Ангысыр лышташ-влакым ужар тўс дене  
чыялтыза, молыштым – нарынче дене.**



**Сўретче могай йонгылышым ыштен!**



**Почеламутышто могай шомак-влак  
йомыныт, муза да возыза.**

– Олмалан каяш ом \_\_\_\_\_, –  
\_\_\_\_\_ мане шоншылан. –  
Ялт нўшкемын мыйын \_\_\_\_\_,  
Луктын \_\_\_\_\_ ок шу –  
\_\_\_\_\_ нуным шумыман.

**Б.ДАНИЛОВ.**